

Broj: 06/4-463-0921-2/25
Banja Luka, 28.04.2025.

Pravila nagradne igre

“POWERADE & FUDBALSKI SAVEZ BIH 2025.”

1. OSNOVNE INFORMACIJE O ORGANIZATORU NAGRADNE IGRE

1.1. Ovu nagradnu igru pod nazivom " "POWERADE & FUDBALSKI SAVEZ BIH 2025." organizuje i priređuje 365 BTL d.o.o. Banja Luka (JIB: 4403264050008), Braće Pišteljića br.1, 78000 Banja Luka.

Nagradna igra se priređuje sa ciljem unapređenja prodaje i promocije COCA COLA proizvoda, a u skladu sa članom 95., Zakona o igrama na sreću RS Službeni glasnik Republike Srpske br. 22/19).

2. NAZIV NAGRADNE IGRE

2.1. Naziv nagradne igre je „***POWERADE & FUDBALSKI SAVEZ BIH 2025.***“

3. TRAJANJE I SVRHA PRIREĐIVANJA NAGRADNE IGRE

3.1. Nagradna igra traje u periodu od **12.5.2025.** godine u 12:00 sati, do **30.6.2025.** godine u 12:00 sati.

3.2. Svrha organizovanja nagradne igre je promocija Coca Cola proizvoda iz kategorije izotoničnih sportskih napitaka, i to:

- **Powerade Mountain Blast, Powerade Zero Mountain Blast, Powerade Gold Mango i Powerade Lemon u plastičnom nepovratnom pakovanju od 0,50 l (PET).**

3.3. Nagradna igra, organizuje se na području Republike Srpske.

3.4. Organizator će prije početka nagradne igre, objaviti Pravila nagradne igre u jednim dnevnim novinama sa sjedištem na teritoriji Republike Srpske, i navesti broj i datum Rješenja Republičke uprave za igre na sreću Republike Srpske, kojim je data saglasnost na ova Pravila.

3.5. Organizator će obezbjediti sve preduslove tokom trajanja ove nagradne igre, kojima će u najvećoj mogućoj mjeri omogućiti obavezno izvlačenje dobitnika svih nagrada i podjelu cjelokupnog nagradnog fonda.

3.6. Organizator će nagradnu igru provesti pod uslovima, koji su u skladu i sa drugim zakonskim i podzakonskim propisima i opštim moralnim načelima.

3.7. Za vrijeme trajanja nagradne igre, pravila su dostupna i na web stranici:

<https://ba.coca-colahellenic.com>.

4. USLOVI UČESTVOVANJA U NAGRADNOJ IGRI

4.1. Pravo učešća u nagradnoj igri imaju sva fizička lica sa prebivalištem na teritoriji Republike Srpske i starija od 16 (šesnaest) godina koja u periodu trajanja nagradne igre u bilo kojem prodajnom mjestu na teritoriji Republike Srpske kupe jedan ili više proizvoda iz člana 3. ovih Pravila i koja za obavljenju kupovinu posjeduju originalni fiskalni račun u papirnoj formi kao dokaz sticanja prava na učešće.

4.2. Kupovinom navedenih proizvoda stieće se pravo na učešće u nagradnoj igri. Učesnici su dužni sačuvati originalni račun u papirnoj formi koji Cola HBC B-H d.o.o. Sarajevo i Organizator može tražiti na uvid od dobitnika kao dokaz prije dostave odnosno preuzimanja nagrade od strane dobitnika.

4.3. Za učestvovanje u nagradnoj igri, Učesnik je dužan preuzeti aplikaciju Coca-Cola App sa AppStore-a ili Google Play-a, registrovati korisnički profil i unijeti svoje lične podatke : **e-mail adresu, državu prebivališta, datum rođenja i nadimak.**

Svaki učesnik nagradne igre može imati najviše jedan korisnički profil u okviru aplikacije.

4.4. Učesnik treba da u aplikaciju Coca-Cola App unese (uploaduje) fotografiju fiskalnog računa na kojem se nalazi najmanje jedan komad promotivnih proizvoda navedenih u Članu 3: Powerade Mountain Blast, Powerade Zero Mountain Blast, Powerade Gold Mango i Powerade Lemon u plastičnom nepovratnom pakovanju od 0,50 l (PET).

Račun mora biti izdan u poslovnom objektu na području Republike Srpske i u periodu trajanja nagradne igre.

Fotografija računa mora biti jasna i čitljiva.

4.5. Svakim uspješno uploadovanim računom koji ispunjava uslove iz ovih Pravila, učesnik automatski stiče pravo na učešće u nagradnom izvlačenju (raffleu), u skladu s pravilima definisanim u članu 5.

4.6. Ukoliko se prilikom obrade računa sistemski utvrdi da je učesnik uploadovao nevažeći, nečitljiv ili neispravan račun, takav unos će biti odbijen i neće se smatrati validnim za učešće u nagradnom izvlačenju.

4.7. Sve podatke i pravila ove nagradne igre učesnici mogu u svakom trenutku pronaći putem aplikacije Coca-Cola App, kao i putem zvanične web-stranice:

<https://ba.coca-colahellenic.com>.

4.8. Da bi se osigurala ravnopravnost učešća i jednaka mogućnost osvajanja za sve učesnike, učesnici koji su osvojili nagradu u 1 (jednom) od 4 (četiri) nagradna izvlačenja navedena u članu 5.1, imaju pravo da nastave učestvovati u nagradnoj igri u preostalim nagradnim izvlačenjima iz člana 5.1, ali ne mogu osvojiti onu nagradu koju su osvojili u prethodnim izvlačenjima.

U tom slučaju će biti izvučen drugi dobitnik.

4.9. Svaki učesnik može unijeti maksimalno 300 računa tokom trajanja nagradne igre, pod uslovom da su svi registrovani računi rezultat kupovine realizovane putem legitimnih prodajnih kanala.

4.10. Svi zaprimljeni računi će se nalaziti pod kontrolom Cola HBC B-H d.o.o. Sarajevo i Organizatora i biće odbijeni ako nisu rezultat kupovine putem legitimnih i dozvoljenih prodajnih kanala. Računi koji su falsifikovani, duplicirani, izmišljeni ili na bilo koji način izmijenjeni tako da ne mogu biti potvrđeni kao validni, će biti sistemski odbijeni kao nevažeći.

U slučaju grešaka na računu ili neregularnosti u vezi s računima, Cola HBC B-H d.o.o. Sarajevo, Organizator, njegovi poslovni partneri, podružnice, agencije i ostali uključeni u realizaciju nagradne igre ne snose nikakvu odgovornost.

4.11. Pravo na učešće nemaju osobe zaposlene kod Cola HBC B-H d.o.o. Sarajevo, Organizatora, osobe zaposlene kod nezavisnih partnera koji učestvuju u realizaciji ove nagradne igre, u reklamnim agencijama uključenim u ovu nagradnu igru, kao i najbliži članovi porodice bilo koje od navedenih osoba (supružnici, djeca i roditelji te braća i sestre ukoliko žive s njima u zajedničkom domaćinstvu). Cola HBC B-H d.o.o. Sarajevo i Organizator zadržavaju pravo da po vlastitom nahođenju izvrše provjeru gore navedenih činjenica.

4.12. Učestvovanjem u nagradnoj igri, učesnici potvrđuju da su upoznati s ovim Pravilima i da ih u potpunosti prihvataju.

5. NAČIN IZVLAČENJA DOBITNIKA NAGRADA

5.1. Javno izvlačenje dobitnika održati će se u sjedištu Cola HBC B-H d.o.o. Sarajevo, na adresi Mostarsko raskršće 1, Hadžići, u četiri (4) kola:

A. Prvo kolo

I RAFFLE: dana 23.5.2025. godine u 10:00 sati za vaučere prikupljene od 12.5.2025. od 12:00 sati do 20.5.2025. do 08:59 sati za slijedeće nagrade:

- Dvije ulaznice za fudbalsku utakmicu BiH – San Marino, 7.6.2025. kvalifikacije za SP (5 dobitnika)
- Dres fudbalske reprezentacije Bosne i Hercegovine (1 dobitnika)
- Garmin Forerunner 165 Black/Slate Gray sportski sat (1 dobitnik)

B. Drugo kolo –

II RAFFLE: dana 13.6.2025. godine u 12:30 sati za vaučere prikupljene od 20.5.2025. od 09:00 sati do 10.6.2025. do 08:59 sati za slijedeće nagrade:

- Dvije ulaznice za fudbalsku utakmicu BiH – Austrija, 9.9.2025. kvalifikacije za SP (5 dobitnika)
- Dres fudbalske reprezentacije Bosne i Hercegovine (2 dobitnika)
- Garmin Forerunner 165 Black/Slate Gray sportski sat (1 dobitnik)

C. Treće kolo –

III RAFFLE: dana 4.7.2025. godine u 12:30 sati za vaučere prikupljene od 10.6.2025. od 09:00 sati do 30.6.2025 do 12:00 sati za slijedeće nagrade:

- Dvije ulaznice za fudbalsku utakmicu BiH – Rumunija, 15.11.2025. kvalifikacije za SP (5 dobitnika)
- Dres fudbalske reprezentacije Bosne i Hercegovine (2 dobitnika)
- Garmin Forerunner 165 Black/Slate Gray sportski sat (1 dobitnik)

D. Četvrto kolo –

IV RAFFLE: dana 4.7.2025. godine u 12:40 sati za vaučere prikupljene od 12.5.2025. od 12:01 sati do 30.6.2025 do 12:00 sati za slijedeće nagrade:

- Bicikl CUBE AIM Race Black'n'Azure (1 dobitnik)

5.2. Za svaku nagradu biće izvučena po 2 (dva) alternativna dobitnika, koji se po unaprijed utvrđenom redoslijedu smatraju potencijalnim dobitnicima u slučaju da prvobitno izvučeni dobitnik ne ispunjava uslove iz ovih Pravila (npr. fiskalni račun nije validan, ne sadrži promotivni proizvod, nije izdat u periodu trajanja nagradne igre, i sl.), ukoliko izjavi da je izgubio račun, ne dostavi traženu dokumentaciju, ili ako ga nije moguće kontaktirati u roku od 8 dana zbog netačne, nepotpune ili nepostojeće kontakt adrese, broja telefona ili e-mail adrese. Pravo na nagradu prvo prelazi na prvorangiranog alternativnog dobitnika, a ukoliko ni on ne ispunjava uslove, pravo se prenosi na drugorangiranog alternativnog dobitnika.

6. SASTAV KOMISIJE ZA IZVLAČENJE NAGRADA

6.1. Cola HBC B-H d.o.o. Sarajevo će imenovati Komisiju (najmanje tri člana), koja će nadgledati regularnost javnog izvlačenja dobitnika.

6.2. O toku izvlačenja Komisija će voditi zapisnik koji će minimalno sadržavati:

- a) mjesto, vrijeme i način izvlačenja dobitnika*
- b) broj i datum Rješenja Republičke uprave za igre na sreću Republike Srpske,*
- c) datum i naziv medija u kojem su pravila nagradne igre objavljena,*
- d) imena i prezimena članova komisije,*

e) imena, prezimena i adrese dobitnika i

f) naziv i vrijednost nagrade pojedinog dobitnika.

7. FOND NAGRADA

7.1. Nagradni fond se sastoji od :

Prvo kolo			
Nagrade	Količina (kom)	Pojedinačna cijena s PDV-om	Total
Dvije ulaznice za fudbalsku utakmicu BiH – San Marino, 7.6.2025. kvalifikacije za SP (nagrada uključuje isključivo ulaznice; prijevoz, smještaj i ostali troškovi nisu uključeni).	5	80,00 KM	400,00 KM
Dres fudbalske reprezentacije Bosne i Hercegovine	1	99,00 KM	99,00 KM
Garmin Forerunner 165 Black/Slate Gray sportski sat	1	485,55 KM	485,55 KM
Drugo kolo			
Nagrade	Količina	Pojedinačna cijena s PDV-om	Total
Dvije ulaznice za fudbalsku utakmicu BiH – Austrija, 9.9.2025. kvalifikacije za SP (nagrada uključuje isključivo ulaznice; prijevoz, smještaj i ostali troškovi nisu uključeni).	5	80,00 KM	400,00 KM
Dres fudbalske reprezentacije Bosne i Hercegovine	2	99,00 KM	198,00 KM
Garmin Forerunner 165 Black/Slate Gray sportski sat	1	485,55 KM	485,55 KM
Treće kolo			
Nagrade	Količina	Pojedinačna cijena s PDV-om	Total
Dvije ulaznice za fudbalsku utakmicu BiH – Rumunija, 15.11.2025. kvalifikacije za SP (nagrada uključuje isključivo ulaznice; prijevoz, smještaj i ostali troškovi nisu uključeni).	5	80,00 KM	400,00 KM
Dres fudbalske reprezentacije Bosne i Hercegovine	2	99,00 KM	198,00 KM
Garmin Forerunner 165 Black/Slate Gray sportski sat	1	485,55 KM	485,55 KM
Četvrto kolo			
Nagrade	Količina	Pojedinačna cijena s PDV-om	Total
Bicikl CUBE AIM Race Black'n'Azure	1	1279,00 KM	1.279,00 KM
TOTAL			4.430,65 KM

7.2. Nagradni fond se ne može zamijeniti za novac. Dobitnik nema pravo zahtijevati drugačiju nagradu ili nagradu čija vrijednost prelazi iznos naveden u ovom članu Pravila.

7.3. Cola HBC B-H d.o.o. Sarajevo, Organizator ili bilo koji privredni subjekt angažovan za provođenje nagradne igre ne preuzimaju bilo koji oblik odgovornosti i bilo kakvo pravo na odštetu zbog učešća u nagradnoj igri odnosno preuzimanjem i korištenjem nagrada.

8. NAČIN OBAVJEŠTAVANJA I OBJAVLJIVANJA DOBITNIKA

8.1. Cola HBC B-H d.o.o. Sarajevo, je dužna najkasnije u roku od 8 dana od dana izvlačenja, obavijestiti dobitnike o osvojenim nagradama putem e-mail adrese koju su ostavili prilikom registracije, te će tražiti od Dobitnika sve potrebne informacije kako bi se nagrada uspješno uručila.

8.2. Rezultati nagradne igre i imena dobitnika nagrada biće objavljeni i na <https://ba.coca-colahellenic.com>, u roku od 7 dana od dana nagradnog izvlačenja.

8.3. Ukoliko zbog okolnosti za koje nije kriva Cola HBC B-H d.o.o. Sarajevo ili Organizator (dostavljeni pogrešni lični podaci od strane učesnika, učesnik se ne nalazi na navedenoj adresi, vanredne okolnosti i sl.), nije moguće obavijestiti dobitnike nagrada, Cola HBC B-H d.o.o. Sarajevo će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9. MJESTO I ROK ZA PODIZANJE NAGRADA

9.1. Dobitnik nagrade dužan je dati sve potrebne informacije osobi za kontakt Cola HBC B-H d.o.o. Sarajevo u roku od 8 dana od dana obavještenja iz člana 8.1., kako bi mu se nagrada uspješno uručila. Dobitnik nagrade dužan je dati dokaz o identitetu, te je dužan predložiti dokaz o kupovini promotivnog proizvoda (račun) na osnovu kojeg je stekao pravo učešća u ovoj nagradnoj igri.

9.2. Dobitnici će o osvojenim nagradama biti obaviješteni najkasnije u roku od 8 (osam) dana od dana izvlačenja, a nagrade su dužni preuzeti najkasnije u roku od 30 (trideset) dana od prijema obavijesti. U protivnom, gube pravo na nagradu, a daljnje postupanje s nepreuzetim nagradama odvijat će se u skladu s važećim propisima i pravilnikom o sadržaju pravila, uslovima i načinu priređivanja nagradnih igara („Službeni glasnik Republike Srpske br. 22/19).

9.3. Ukoliko se nagrada iz opravdanog razloga ne bude mogla uručiti dobitniku, Cola HBC B-H d.o.o. Sarajevo će postupiti u skladu sa članom 11. Pravilnika o sadržaju pravila, uslovima i načinu priređivanja nagradnih igara.

9.4. Ukoliko je dobitnik stariji maloljetnik (od 16 do 18 godina), nagrada će biti uručena roditelju/staratelju s kojim maloljetnik živi, pri čemu je roditelj/staratelj dužan priložiti validnu dokumentaciju, odnosno dokument kojim dokazuje status roditelja/staratelja.

9.5. Prilikom preuzimanja nagrade dobitnik je potpisuje izjavu o preuzimanju nagrade.

9.6. Cola HBC B-H d.o.o. Sarajevo je odgovorna za pravovremeno i tačno informisanje učesnika u nagradnoj igri o njegovim pravima i obavezama kod preuzimanja nagrada.

9.7. Cola HBC B-H d.o.o. Sarajevo ne preuzima nikakvu odgovornosti za bilo kakvu štetu koja bi eventualno nastala kao posljedica nakon preuzimanja ili korištenjem proizvoda iz nagradnog fonda.

9.8. Učesnici mogu biti pozvani da učestvuju u javnim događajima. Dobitnici u nagradnoj igri prihvataju

uslov da njihova imena, adrese i fotografije mogu biti korišteni i objavljivani kao foto, audio i videomaterijal od strane Cola HBC B-H d.o.o. Sarajevo i njegovih pridruženih agencija i partnera koji direktno učestvuju u nagradnoj igri. Učestvovanjem u nagradnoj igri učesnici daju dozvolu Cola HBC B-H d.o.o. Sarajevo i Organizatoru da koristi njihova imena i/ili ličnost radi reklame ili prodaje bez kompenzacije.

10. USLOVI POD KOJIM SE NAGRADNA IGRA MOŽE IZMJENITI, PREKINUTI ILI OTKAZATI

10.1. Pravila nagradne igre ne mogu se mijenjati nakon što je nagradna igra počela, osim ukoliko za to postoje opravdani razlozi ili zbog nastupanja okolnosti više sile.

10.2. U slučaju prekida ili otkazivanja nagradne igre uslijed nastupanja vanrednih okolnosti, Organizator će o navedenom obavijestiti Republičku upravu za igre na sreću Republike Srpske.

11. KORIŠTENJE LIČNIH PODATAKA

11.1. Učešćem u nagradnoj igri, učesnici potvrđuju prihvatanje ovih Pravila i daju saglasnost

Cola HBC B-H d.o.o. Sarajevo, da prikuplja i obrađuje navedene lične podatke isključivo u svrhu sprovođenja ove nagradne igre i na način kako je to opisano u ovim Pravilima. Prikupljeni lični podaci koriste se za samo evidenciju Cola HBC B-H d.o.o. Sarajevo.

11.2. Cola HBC B-H d.o.o. Sarajevo je odgovoran za obradu podataka u skladu sa propisima o zaštiti ličnih podataka, i preduzeće sve potrebne mjere da bi se osiguralo sigurno korištenje i obrada ličnih podataka učesnika u nagradnoj igri i u skladu sa važećim propisima, a učesnici imaju pravo da budu informisani o činjenici da se podaci prikupljaju i da budu budu upoznati sa podacima.

11.3. Učesnik u nagradnoj igri je odgovoran za davanje tačnih podataka Cola HBC B-H d.o.o. Sarajevo, u cilju sprovođenja ove nagradne igre.

11.4. Učesnici prihvatanjem ovih Pravila daju svoju saglasnost da, ako postanu dobitnici nagrada, Cola HBC B-H d.o.o. Sarajevo može proslijediti njihove lične podatke trećim licima

(odabranoj dostavnoj službi, isključivo u svrhu dostave osvojene nagrade u nagradnoj igri), isključivo u svrhu provođenja ove nagradne igre.

11.5. Svojim učešćem u nagradnoj igri učesnici su saglasni da, ako postanu dobitnikom nagrade, njihove lične podatke (Ime i Prezime) Cola HBC B-H d.o.o. Sarajevo i Organizator može objaviti i iskoristiti bez naknade u štampanom, zvučnom i slikovnom obliku, te videozapisu. Učesnici nagradne igre svojim učešćem pristaju na prikupljanje, upotrebu i objavu njihovih ličnih podataka navedenih u korisničkom profilu u promotivne svrhe povezane s nagradnom igrom i proizvodima koji su uključeni u nagradnu igru.

11.6. Cola HBC B-H d.o.o. Sarajevo i Organizator će lične podatke učesnika čuvati onoliko vremena koliko je to potrebno za potpunu realizaciju ove nagradne igre.

11.7. Učesnik može u bilo kojem trenutku povući svoju saglasnost za obradu ličnih podataka dopisom na adresu Cola HBC B-H d.o.o. Sarajevo i Organizatora, i prihvata da takvo povlačenje saglasnosti

uzrokuje nemogućnost daljnjeg učestvovanja u nagradnoj igri.

12. NADLEŽNOST SUDA

Sve žalbe, prigovore i reklamacije rješava Cola HBC B-H d.o.o. Sarajevo i Organizator.

U slučaju opravdanih pritužbi, Cola HBC B-H d.o.o. Sarajevo i Organizator se obavezuju da će ih otkloniti u najkraćem mogućem roku i obavijestiti učesnika.

Svi eventualni sporovi između Cola HBC B-H d.o.o. Sarajevo, Organizatora i učesnika odnosno dobitnika rješavaće se sporazumno.

U slučaju da spor nije moguće riješiti sporazumno, isti rješava Osnovni sud u Banjaluci.

U Banjaluci, 16.04.2025. godine